

Sachay Azadar

Hashim Sisters

Bismillah Hir Rahman Nir Raheem

Ya Hussain (8)

Bas yeh Lazim hai key (2)

Sachay Azadar Raho, Sachay Azadar raho

Sachay Azadar raho

Ay Azadaro! (2) Hai Zahra ki Dua Farsh e Azaa(2)

Yeh Musalla hai Musalla e Willa Farsh e Aza(2)

Is ka har Lehza Adab karnay py tyar raho(2)

Is ki Taqdees ki Khatir Sadaa Hushyaar Raho

Sachay Azadar Raho, Sachay Azadar raho

Sachay Azadar raho

Yahan rotay huye Saqqaany Jinaan aatay hain(2)

Farsh e Majlis py Shehenshah e Zaman atay hain(2)

Tum ko Lazim hai kay Ghaafil na ho baidar raho(2)

Marzi e Sheh ky har ik Lamha Talab Gaar raho

Sachay Azadar Raho, Sachay Azadar raho

Sachay Azadar raho

Jo Amal karny py tayaar nahi ho sakta(2)

Wo Sha'hy Deen ka Azadaar nahi ho sakta(2)

Chahtay ho ky jo Bay Misl Azadar raho(2)

Misl e Shabbir namazon pey bhi tayaar raho

Sachay Azadar Raho, Sachay Azadar raho

Sachay Azadar raho

Yeh namazon ki sada aati hai kaanon mein meray(2)

chahti hon k ada mujh ko azadar karen(2)

na faqat naam ky hi sheh k taraf daar raho(2)

in ki seerat pey amal karnay pey tayaar raho

Sachay Azadar Raho, Sachay Azadar raho

Sachay Azadar raho

Matami soch k yeh farsh e aza tak jaye(2)
yahan maola bhi hain ashkon ko bahaany aaye(2)
jaa namazon ki tarah is k talab gaar raho(2)
hujjat e asr k tum taalib e deedar raho

Sachay Azadar Raho, Sachay Azadar raho
Sachay Azadar raho

Ba Khuda is azadari ki hain bani zainab(2)
Hazrat e Fatima Zahra ki hain Saani Zainab(2)
Jaisy sajjad thy tum wesay azadar raho(2)
Karbala yad rahy har ghardi gham Khuwaar raho

Sachay Azadar Raho, Sachay Azadar raho
Sachay Azadar raho

Poocha Abid sy Kahan Zulm Zyada Toota(2)
Cheekh kar Syed e Saajid nay ba Shaam kaha(2)
Ay Azadaro! yeh woh Gham hai ky Khoon Baar Raho(2)
Tum bhi Abid ki tarah Ashkon sey Sarshaar raho

Sachay Azadar Raho, Sachay Azadar raho
Sachay Azadar raho

Bay adab koi na is farsh e aza tak jaye(2)
Mehz ik Rasm Samajh kar na yahan tak aaye(2)
Pehly Pakeezgi e nafs py tayaar raho(2)
Dey Dua Zehra tumhein Sahib e Kirdaar raho

Sachay Azadar Raho, Sachay Azadar raho
Sachay Azadar raho

Gaye Abbas to Zainab ka yehi noha tha(2)
Haaye ab kon bachaye ga hamara parda(2)
hai yehi bibi ka paigham khabar daar raho(2)
apni maan behno k parda k nighe daar raho

Sachay Azadar Raho, Sachay Azadar raho
Sachay Azadar raho

Qalb ki hai ye sada noha jo Majid ney Likha(2)
Maaham o Adiya o Saniya dy do yeh sada(2)
Deen key Wastay tum Saaya e Deewar raho(2)
Aur agar waqt jo Padh jaye to Mukhtar raho

Sachay Azadar Raho, Sachay Azadar raho
Sachay Azadar raho, Sachay Azadar raho

Allahuma salle ala Mohammadin wa ale Mohammadin wa ajil farjahum

This is a small effort that i have put for the Ahulbayt(as). Forgive me if any errors
Pray for my family and me .

Lyrics Submitted by Mehek Mehmood Ladiwala

Lyrics provided by
<https://damnlyrics.com/>